



Bosnia and Herzegovina
Federation of Bosnia and Herzegovina

CANTON SARAJEVO
Ministry of Traffic

Broj: 04-11-3494-6/24 BT
Sarajevo, 26.04.2024.godine

Ministarstvo saobraćaja Kantona Sarajevo na osnovu čl. 69. Stav (2) tačka d) i čl. 70. Zakona o javnim nabavkama („Sl. glasnik BiH“, broj: 39/14 i 59/22), te čl. 70. Zakona o organizaciji organa uprave u FBiH („Službene novine FBiH“, br.35/05), na preporuku Komisije koja je sastavni dio Zapisnika o pregledu i ocjeni ponuda br: 04-11-3494-5/24 od 23.04.2024.godine, a u predmetu javne nabavke „Održavanje semafora u Kantonu Sarajevo“, godine donosi:

O D L U K U **o poništenju postupka javne nabavke**

1. Poništava se otvoreni postupak javne nabavke “Održavanje semafora u Kantonu Sarajevo” objavljen na portalu javnih nabavki dana 27.02.2024.godine, broj obavještenja: 1242-1-2-7-3-14/24, jer nijedna zaprimljena ponuda nije prihvatljiva.
2. Ova Odluka će se objaviti na Internet stranici Ministarstva saobraćaja Kantona Sarajevo u skladu sa članom 70. stav 6. Zakona o javnim nabavkama („Sl. glasnik BiH“, broj: 39/14 i 59/22).

O b r a z l o ž e n j e

Poništava se postupak javne nabavke pokrenut Odlukom o pokretanju postupka broj: 04-11-3494/24 BT dana 06.02.2024.godine. Javna nabavka je provedena u otvorenom postupku u skladu sa članom 25. Zakona o javnim nabavkama. Ugovorni organ je objavio obavještenje za predmetnu nabavku na portalu javnih nabavki pod rednim brojem 1242-1-2-7-3-14/24.

Rok za dostavu ponuda bio je 15.04.2024. godine do 10,00 sati.

Za navedenu nabavku u predviđenom roku i uredno zatvorenim kovertama, dostavljena je ponuda ponuđača:

- Step d.d. Sarajevo

U skladu sa Odlukom o pokretanju postupka, Komisija za javnu nabavku, formirana Rješenjem o imenovanju broj: 04-11-3494-3/24 BT od 13.02.2024.godine provela je proceduru nabavke, obavila javno otvaranje ponuda, sačinila i dostavila Zapisnik otvaranju ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, te utvrdila:

- da je ukupan broj pristiglih ponuda- jedan (1)
- da je blagovremeno zaprimljena jedna (1) ponude
- da nema neblagovremeno zaprimljenih ponuda.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-058, + 387 (0) 33 562-059

Web: <http://ms.ks.gov.ba>, E-mail: ms@ms.ks.gov.ba

1/2

Nadalje, Komisija je izvršila pregled i ocjenu zaprimljene ponude te ustanovila da ponuđač nije ispunio uslov iz tenderske dokumentacije obzirom da u ponudi nije dostavljena tražena dokumentacija za lice pod c) 1 tehničar informatike (SSS). Naime, ponuđač je u ponudi, na strani 38. dostavio izjavu kojom izjavljuje da će u slučaju da bude izabran kao najpovoljniji ponuđač, zaključiti ugovor o djelu koji sarži elemente ugovora o radu za obavljanje djelatnosti koje su predmet nabavke kao što je navedeno pod 6.4. Tehnička i profesionalna sposobnost pod Uslov II i to za c) Tehničar informatike (SSS) – 1 (jedan). Međutim, isti je bio dužan za navedeno lice dostaviti dokaze i to:

- ovjerenu kopiju diplome o završenoj stručnoj spremi;
- ovjerenu kopiju uvjerenja o položenom stručnom ispitu;
- potpisanu radnu biografija (CV) u kojoj je naveden opis poslova na kojima je lice radilo;
- potpisane izjave angažiranog osoblja da će biti raspoloživi za vrijeme trajanje ugovora,
- za osobe koje su u radnom odnosu kod ponuđača dostaviti spisak stalno uposlenih, a za osobe koji nisu u radnom odnosu kod ponuđača original ili ovjerenu kopiju ugovora o angažmanu za sve vrijeme trajanja predmetnog ugovora. Spisak stalno uposlenih dostavlja se u originalu sa potpisom i pečatom ponuđača.

Imajući u vidu navedeno, ponuda ponuđača Step d.d. Sarajevo ocijenjena je kao neprihvatljiva. O izvršenom pregledu i ocjeni ponude sačinjen je Zapisnik i preporuka ugovornom organu, br: 04-11-3494-5/24 od 23.04.2024.godine.

Ugovorni organ je ocjenu Komisije prihvatio kao ispravnu te je, shodno odredbama člana 69. stav (2) tačka d) Zakona o javnim nabavkama , odlučeno je kao u dispozitivu Odluke.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi, putem ugovornog organa u roku od 10 (deset) dana od dana prijema odluke.

Žalba se podnosi Ugovornom organu (Ministarstvo saobraćaja Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.

Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u skladu sa članom 108. Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.

Prilog:

1. - Zapisnik o pregledu i ocjeni ponuda broj: 04-11-3494-5/24 od 23.04.2024.godine sa svim prilogima

Dostaviti:

- 1.Step d.d. Sarajevo
- Ul. Halilovići br.2, Sarajevo
2. Ministarstvo saobraćaja Kantona Sarajevo
3. evidenciji
4. a/a



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-058, + 387 (0) 33 562-059

Web: <http://ms.ks.gov.ba>, E-mail: ms@ms.ks.gov.ba

2/2